

學詩毛鄭異同籤

學詩毛鄭異同錢卷十六

武

監

學

生

張

汝霖

威儀抑抑德音秩秩傳抑抑美也秩秩有常也箋云抑抑密也秩秩清也正義釋傳曰抑傳以抑上爲密則是密審故所以爲美也釋詁文秩常也故以秩秩爲有常正義釋箋曰抑上密秩上清皆釋訓文

按緻密亦卽密審之謂由密審而密緻一言其功一言其效要之皆美也秩上是有常之義有常則

清而不素矣其致一也此毛鄭之說雖異出而同歸者

思輯用光傳思輯用光言民相與和睦以顯于時也箋云思在和其民人用光大其道爲今子孫之基正義釋箋曰以召公追而美之以戒成王不述他姓之人唯已陳之父祖以此知思輯用光之言意在感今追昔故易傳以爲光大其道爲今子孫之基

按經之此章皆陳移民于幽之始事候糧囊橐是

民所携行之具則所謂思輯用光者自是思其民
之和輯而用顯于時耳未及念乎光大其子孫也
雖此詩意主感今追昔然上言于橐于囊下言爰
方啟行明但寫一時之事何得爲光大其孫子乎
爰方啟行傳以方開道路去之幽蓋諸侯之從者十
有八國焉箋云爲女方開道而行則已之遷非爲迫
逐之故乃欲全民也正義釋傳曰蓋諸侯之從者十
有八國當是亦爲憂人政亂爲鄰國所侵以公劉賢

君爲可師長故與之俱遷也毛自言蓋爲疑辭不知
出何文也

按毛時書籍尙多孔氏嘗自言之從遷閩者十有
八國自是出諸先典確乎可憑其言蓋者如采蘋
箋云魚俎實男子設之其菜盛蓋以黍稷雖自信
其不誤而婉詞以出之亦文家不敢直斷必示謙
抑之意耳若謂毛自言蓋爲疑詞不知出于何文
是以毛言爲虛誕矣毛公性最簡質其宜詳者尙

多從畧使此事千古無徵疑不自信則闕之必矣
况諸侯從遷之事非經之本義又安肯自作無稽
另生枝葉哉

既登乃依傳賓已啓席坐矣乃依几矣箋云公劉既
登堂負展而立正義釋傳曰以上言筵几此言登依
則是登筵依几故云賓已啓席矣乃依几矣以傳此
言則知上筵几者毛意以公劉爲羣臣設之饗燕之
禮立一人爲賓對主以行禮總而言之則非王者皆

曰賓此賓卽上踰七濟濟之人宜爲總矣左傳之說
饗禮云設几而不倚此言依几者此章總言于臣之
禮不辨饗燕之異下云飲之食之或亦兼食燕矣故
得依几也行葦說燕宗族之禮箋云老者加之以几
則羣臣之中當有無几者據有者言之耳正義釋箋
曰釋宮云牖戶之間謂之扆明堂位云天子負斧衣
南向而立此云既登乃依事與彼同故知是公劉既
登堂負扆而立也明堂位注云負之言背也斧依爲

斧文屏風于戶牖之間然則斧者是屏風之名戶則
戶牖之間地耳郭璞云展牕東戶西也禮有斧展形
如屏風畫爲斧文置于展地因名爲斧展是也言天
子負斧展則諸侯之展有斧以否無明文也此公劉
負展而立謂在朝之時其飲則坐于席故上箋云使
之片坐謂設几筵疑飲時非負展時也易傳者孫毓
云此篇主稱公劉之厚于民列其始遷于豳此章言
羣臣之愛敬上下之有禮無饗燕尊廣之事且終之

禮設几而不倚何有賓已登席依几之義

按經文上陳筵几下陳飲食明爲燕事矣方爲公
劉設几筵伸之片坐是設燕之事忽云登堂負屨
又是臨朝之事下云執豕用匏仍是設燕之事下
後皆叙燕事橫訓既登乃依句爲登堂負屨可乎
且既字與乃字相銜接登是登筵依卽是依几蒙
上文筵几而言之耳若是登堂負屨不言負字乃
依之文于語未足又所引設几而不倚之文亦不

可以爲難經固明云飲之食之不得指爲饗禮而
必非燕禮也

有卷者阿飄風自南傳興也卷曲也飄風迴風也惡
人被德化而消猶飄風之入曲阿也箋云大陵曰阿
有大陵卷然而曲迴風從長養之方來人之興者喻
王當屈體以待賢者賢者則猥來就之如飄風之入
曲阿然其來也爲長養民正義釋經曰毛以爲有卷
然而曲者是大陵之阿也此阿以曲之故使迴旌之

飄風從南而入之無不消散以興有美者是大德之
化此化以美之故使凶悖之惡人隨政而順之皆得
其息止也惡人既消則賢者樂進故此樂易之君子
于是來而就王游來而就王歌以陳出其音聲言其
將以樂王感王之善鄭以爲有卷然而曲者之阿則
飄然從南長養之方來入之以興王有降屈之意則
賢者懷其撫養之德來就之阿以岸然而來風猶王
以體屈而致賢也正義釋傳曰檀弓稱原壤歌曰執

女手之卷然則卷是曲貌也釋天云迴風爲飄李廌
曰迴風旋風也風必有道然後得去阿之曲者風無
去路故入阿則消善政消惡亦復如此

按凱風自南傳云樂夏之長養樂記曰昔者舜擇
五粒之琴以歌南風君陳曰爾惟風然則南爲長
養之方風比君子之德矣孔氏申毛謂風入阿而
消善政消惡亦復如是此失毛旨也毛傳言飄風
迴風也惡人被德化而消猶飄風之大曲阿此以

飄風喻德化非喻惡人出毛意以爲阿旣卷曲難
得風之披拂故曲阿須得廻風以吹之猶得德化
以被之德之化民上主施下主受飄風入曲阿風
主施阿主受若謂惡人猶飄風德化猶曲阿曲阿
靜而無施飄風動而目化安有上不先施惡人自
來服化之理哉且上言曲阿下言飄風明其此飄
爲義若止爲入阿而消則何者之風入阿不消而
必云飄風哉傳意但以飄風入阿爲興言曲阿之

被風猶惡人之被化未及相比成文以取喻也如
汎亡楊舟紉纒維之傳云明王能維持諸侯亦倒
疊興意而其理自見者也

伴與爾游矣傳伴與廣大有文章也箋云伴與自縱
弛之意也賢者既來王以才官秩之各任其職女則
得伴與而優自休息也孔子曰無爲而治者其舜也
歟恭己正南面而已言任賢故逸也正義釋傳曰傳
以伴與爲廣大文章則是勸王使爲此也來游者謂

王能如此則賢人來游故王肅云周道廣大而有文章故君子得以樂易而來游優游而休息傳之此言以二字分而爲義蓋伴爲廣大與爲文章故孔氏引孔子曰與乎其有文章伴乎其無涯際是分之也則毛當讀爲伴與不得如徐音徐音自爲鄭讀也正義釋箋曰王肅奏云周公著書名曰無逸而云自縱弛也不亦達理哉孫毓云忠臣戒君而發章令自縱弛非直方之義斯皆未達勸戒之要旨則何也周公之

言無逸者心也召公之言優游者事也心常戰兢無
時可逸事若無爲自然逸矣子之燕居申申如也是
縱弛之狀無爲而治其弊也與是自逸之事書傳稱
成湯之間刑措不用雖欲不逸何所爲乎召公教其
求逸勸使任賢此則達者之格言萬世所不易何以
爲達理之談非直方之義也周公之戒成王云君子
所其無逸卽云知稼穡之艱難乃逸亦是教王使求
自逸其爲勸戒與此正同孔晁又云一人戒無逸一

人勸使縱弛事相反戾乃天之與地何其既實而安
爭訟也

按孔氏之意謂凡勞于求賢者逸于得人必以佯
與爲優游一類而不主毛傳之說亦在秦爲秦在
楚爲楚之見可弗究論若謂孫王難鄭之說爲疏
于實而妄爭訟無乃過與無逸云知稼穡之艱難
乃逸也豈卽當縱弛哉燕居申申亦非縱弛之狀
無爲而治未是縱弛之徵言自逸暇則可言自縱

弛則不可孫王之語不爲甚失仲達唐之大儒校
劍以對古人此何爲者耶

有馮有翼有孝有德以引以翼傳有馮有翼道可馮
依以爲輔翼也引長翼敬也箋云馮乚几也翼助也
有孝斥成王也有德謂羣臣也王之祭祀擇賢者以
爲尸尊之豫撰几擇佐食廟中有孝子有羣臣尸之
入也使祝贊道之扶翼之尸至設几佐食入助之尸
者神象故事之如祖考正義釋傳曰傳以此求賢不

言祭故皆以爲賢人之德以馮翼義隱故特釋之言
道可依馮以爲輔翼則孝之與德亦爲道也馮者可
以委扶翼者可以輔助馮重于翼故先馮後翼孝者
德之本故亦先孝後德俱是賢人之行分之異名耳
引長輔翼皆釋詰文正義釋箋曰百神之主純嘏爾
常皆言神福主人神福由祭祀而來此詩爲求賢而
作故知此章說王之祭祀擇賢者以爲尸以尊之故
豫撰几擇佐食撰几解有馮擇佐食解有翼以下句

乃言以引以翼謂來至導引之則有馮有翼未是尸之來至故爲豫也

按前章百神爾王純嘏爾常皆先言爾彌爾性則自求多福受命之長所由來者漸矣且此詩言求賢何必言擇賢者爲尸王多吉士王多吉人能盡尊之爲尸耶况孝子之尊尸尊祖考也非真賢也何得以尊尸爲求賢之事耶若謂神福由終祀而來故知此章說王之祭祀則又過泥樛木言祖履

之綏將伐木言和平之神聽俱是推其後效要諸
福林何必便詳祭祀又此二章豈第君子四方爲
則豈第君子四方爲網之上一則言君子之多輔
翼一則言君子之多聞注未暇本之祭祀若上言
祭祀則下宜言爰福之事矣何必苦違毛傳乎
鳳凰于飛翽匕其羽亦集爰止傳鳳凰靈鳥仁瑞也
雄曰鳳雌曰凰翽匕衆多也箋云翽匕羽聲也亦與
衆鳥也爰于也鳳凰往飛翽匕然亦與衆鳥集于所

止衆鳥慕鳳凰而來喻賢者所在羣士皆慕而往仕
也因時鳳凰至因以喻焉藹乚王多吉士維君子使
媚于天子傳藹乚猶濟濟也箋云媚愛也王之朝多
善士藹藹然君子在上位者率化之使之親愛天子
率職盡力鳳凰于飛翽乚其羽亦傳于天箋云傳猶
灰也鳳凰鳴矣于彼高岡梧桐生矣于彼朝陽傳梧
桐柔木也出東曰朝陽梧桐不生山岡太平而後生
朝陽箋云鳳凰鳴于山脊之上者居高視下觀可集

正喻賢者待禮乃行翔而後集梧桐生者猶明君出也生于朝陽者被溫仁之氣亦君德也鳳凰之性非梧桐不棲非竹實不食葦葦萋萋離離喈喈傳梧桐盛也鳳凰鳴也臣竭其力則地極其化天下和洽則鳳凰樂德箋云葦葦萋萋喻君德盛也離離喈喈喻民臣和協

按正義謂毛意以鳳凰至者由賢才多鄭以鳳凰喻至賢士至一至于賦一至于興毛鄭之語微異

但箋云時鳳凰至則其說亦與毛同但取喻略別耳然鳳凰之所由至必因天下和洽鄭固不能外毛義爾雅云藹藹萋萋臣盡力也離七嗜七民協服也毛亦必不棄鄭義合而觀之而詩人之情見乎詞矣

矢詩不多維以遂歌傳不多七也明王使公卿獻詩以陳其志遂爲工師之歌焉箋云矢陳也我陳作此詩不復多也欲今遂爲樂歌王曰聽之則不損今之

成功也正義釋經曰今我陳作此詩豈不多乎言其實煩多也正以中心不已恐王情慢故作此詩遂爲樂人之歌冀常求賢士永爲鑒戒不損今日成功也正義釋傳曰傳反其言以不多爲多者王旣能用賢不煩須戒故以作詩爲煩多也又解召公猷詩及言遂歌之意以明王使公卿獻詩以陳其所作之人志意遂爲工師之歌故也國語亦云使公卿至于列士獻詩與此同也春官大師職掌九德六詩之歌工者

樂師之總名卽太師是也正義釋箋曰箋以忠告諫
王其言雖多猶恨心之不盡不當自謂已言已爲多
也宜順文自通不宜反之故易傳以爲作此詩不復
多言其意猶以爲少也樂人之歌常在君側故云王
日聽之則不損今日之成功

按傳言王使公卿獻詩毛意公卿卽指上文之君
子君子卽指上文吉士吉人云公又云卿明非一
官非一人也正義釋傳云解召公獻詩及言蒞歌

之意此混鄭箋之意爲毛傳之說耳毛意何嘗以
公卿猷詩指召公之猷詩耶

汔可小康傳汔危也箋云汔幾也王幾可以小安之
乎正義釋傳曰以汔之下卽云小康明是由危須安
故以汔爲危也正義釋箋曰傳以汔之爲危旣無止
訓又小康者安此勞民直以勞民須安不當更云危
也釋詁文譏汔也孫炎曰汔近也郭璞曰謂相摩近
反覆相訓是汔得爲幾也昭二十一年左傳引此詩杜

預云汔期也然則期字雖別皆是近義言其近當如此史記稱漢高祖欲廢太子周昌曰臣口不能言然臣期知其不可陛下雖欲廢太子臣期不奉詔言期者意亦與此同也

按說文汔水涸也一曰泣下易未濟小狐汔濟䷿云汔者將盡之名涸也將盡也泣下也皆有危意傳以汔爲危非出獨斷若謂小康者安此勞民直以勞民須安不當更云危則經云民亦勞止危可

小安亦爲無害事理何竟謂不當更云危也欲申
鄭而先屈毛此唐儒之輕議古人也

以謹醜厲傳醜衆厲危也箋云厲惡也春秋傳曰其
父爲厲正義釋傳曰醜衆釋訓交易之言厲者皆危
之義乾九二夕惕若厲之類皆是危也故以爲危醜
厲謂衆人爲惡行以爲人者也正義釋箋曰箋以言
人之惡當指其惡狀危非惡之名故以厲爲惡秋官
司厲注云犯改爲惡曰厲是也所引春秋傳曰襄十

七年在傳云衛孫蒯田于曹隧飲馬于重邱毀其甕
重邱人閉門而詢之曰親逐而君爾父爲厲是之不
憂而何以田爲以厲爲厲辭明是惡矣故引之以証
厲爲惡

枋首章以謹無良傳以謹無良慎小以懲大也二
章以謹愾愾傳愾愾大亂也三章以謹罔極無傳
然以文推之罔極之言深于無良與愾愾矣四章
以謹醜厲傳云醜象厲危也末章以謹纒絡傳纒

總反復也由無良而大亂由大亂而罔極由罔極而衆危由衆危而終于反覆如此意深一意就厲之一字論之則爲危爲惡得以兩通合全篇之次第而論之而厲之爲危可知矣若止言衆惡與無良悖悖也雙云悖悖者謂相爭也講之義等耳漫無次第非詩人連篇累牘之體也

价人維藩傳价善也藩屏也箋云价甲也被甲之人謂卿士掌軍事者正義釋僖曰价善釋詁文价人總

言用善則百官皆是故文在大師之上正義釋箋曰
箋以詩戒王使親其官人不勸王擇人爲官故不從
以价爲善也价者甲之別名故以价爲甲以其身被
甲故稱甲人若言宗人宰人也被甲之人謂卿士掌
軍事者于周禮司馬之卿也以兵甲之事國之所重
且舉司馬以明六卿猶言大師以顯三公也

按介紹之介或通作价介甲之介自當作介不作
价釋文云价鄭作介是陸氏所見鄭箋固作介也

但箋不言价當作介是鄭之故智耳今毛詩經文
作价傳言价善也箋云价甲也不作介字孔氏釋
箋曰价者甲之别名不言毛鄭价介字異是孔氏
所見鄭箋作价不與釋文作介者同此孔氏誤也
說文价善也引詩曰价人維藩

大師維垣大邦維屏大宗維翰傳垣墻也王者天下
之大宗翰幹也箋云大師三公也大邦載國諸侯也
大宗王之同姓之適子也王當用公卿諸釋及宗室

之貴者爲藩屏垣幹爲輔弼無踈遠之正義釋傳曰
以大師是三公之官大邦是諸侯之國六宗文在其
下則是天子之身故云王者天下之大宗以禮有大
宗小宗爲其族人所尊故稱宗子天子則天下所尊
故訓之大宗也傳以藩垣屏皆防衛之名幹是施法
之稱言以善人及三公諸侯障蔽寇難天子居內設
法而撫安之翰幹釋詩文正義釋箋曰尙書周官曰
立太師太傅太保茲惟三公是太師爲三公也以言

大邦則不兼小國攸知爲成國諸侯也大宗伯云五
姓賜則注云則未成國之名又云七命賜國則伯以
上爲成國也襄十四年左傳成國不過半天子之軍
周爲六軍諸侯之大者三軍可也明堂位注成國之
賦千乘侯則地四百里以上始爲成國其伯未成國
也此言大邦成國當亦侯以上也以天子諸侯皆絕
其宗名且以上文類之不得爲王之類者衆多之
辭宗者與王同族故知大宗王之同姓世猶子也此

价人太師大邦大宗皆王宜親愛故總之云王常用
公卿諸侯及宗室之貴者爲藩屏垣幹爲輔弼無瓊
遠之也文次如此者卿雖卑于公而親掌職事又兵
用事重故先公言之大邦非在王朝大宗未爲官職
尊畀次之也箋以公親于卿故便文而先言公耳

按大宗之訓鄭義較長于毛藩垣屏城俱是防衛
之兵則翰亦根幹之謂如本支百世之本藩在外
垣又在內屏又在內翰則身之本幹又親切矣然

則宗子更親于大宗何以維城亡之守堅城之責
重以大且重者比之城最在藩垣屏翰之外而國
所倚爲安危者也正義曰彝之亂宣王在呂公之
宮國人圍之召公以其子代宣王是禍及宗子也
左傳曰至于厲王二心戾虐萬民弗忍居王于瑤
是獨居而畏也賢人之言皆有徵焉宗子之城壤
則藩垣屏翰因之而危矣爲此詩者其知道乎

學詩毛鄭異同錢卷十七

武 寧 學 生 張 汝 霖

流言以對傳對遂也箋云衆懟爲惡者皆流言謗毀
賢者王若問之則又以對正義釋傳曰對遂釋言文
正義釋箋曰此疆禦衆懟之人不但狼戾而已又皆
流言語以謗毀賢者王若問之則又以對謂就此衆
懟之人問賢人之行則又以謗毀之言對王令王不
用之使賢者黜退也

按幽風正義曰流謂水流造作虛語使人傳之如水之流然故謂之流言流傳轉徙以達于王使不知其說之所起卽後世所謂飛語中人也既是流言何云以對王王謗賢何謂流言若謂流言于外使語似不由已出以滅其謗賢之迹進而對于王卽自舉所流之言以對若轉述外閒之言者故謂之流言以對是仍流言以遂成其惡耳一指對王之事一指遂成之心合而論之其義相足矣

人尙乎由行傳言居人上欲用行是道也箋云時人
化之甚尙欲從而行之不知其非正義釋傳曰如傳
化言則以尙爲上以由爲用言居人上欲用行此道
謂欲使天下民從已之行正義釋箋曰以軍及鬼方
是化行于遠故易傳以爲時人化之其尙欲從而行
之不知其非由人做其非欲從而行之不知其非故
惡及遠地爲文之次也

按鄭箋之說于義轉順言小大已將盡喪矣而人

尚由而行之故下言中國鬼方見倣尤者之遠毛
傳雖可通然不如鄭之爲簡易也

覃及鬼方傳鬼方遠方也正義曰覃及是及遠故知
鬼方遠方未知何方也易既濟九三高宗伐鬼方三
年乃克象曰憊也言疲憊而後克之以高宗之賢用
師三年憊而乃克明鬼方是遠國也

按易既濟九三高宗伐鬼方三年克之商頌元鳥
序箋云高宗殷王武丁後漢西羌傳武丁征西羌

鬼方三年乃克又竹書武乙三十五年周王季伐
西落鬼戎文選趙充國頌鬼方賁服李善注引世
本注云鬼方于漢則先零戎也皆主言西戎而殷
武詩集傳云易曰高宗伐鬼方卽謂此王伯厚曰
大戴禮帝繫篇陸終氏娶于鬼方氏楚世家陸終
生于六人六曰季連芊姓楚其後也可以證集傳
之說辨疑于是有從以鬼方爲南荆者舍第嘗
力主是說謂汲卽古文竹書武丁三十一年伐鬼

方次子荆三十四年王師克鬼方氏羌來賓與殷
武詩合又文王世子云西方九國孔氏正義云庸
蜀羌髳微盧彭濮之屬也九字古通鬼小戴記明
堂位云紂脯鬼侯史記殷本紀云紂以西伯昌九
侯鄂侯爲三公後庸曰九侯一作鬼侯然則九國
亦或卽鬼國況陸終娶于鬼方荆楚明卽其遺種
矣余竊以爲非也文王世子之言鄙意所不信竹
書出于晉咸寧五年名爲汲郡古文安保無好事

者之作偽合之詩與豸以貌爲古文耶若以陸終
娶于鬼方爲證何緣娶鬼方而卽襲其號詩明云
維爾荆楚居國南鄉其不得爲西羌鬼方明矣但
孔氏正義惜未及考定之耳
遑猶辰告傳猶道箋云猶圖也

按毛言猶道鄭言猶圖語微有別然圖必有其道
道必出于圖一主謀之之時言之故曰圖一主已
定之謀言之故曰道此等異同半黍之差耳吹律

者可徵會之也

用邊蠻方傳邊遠也箋云邊當作剔剔治也

校書多士離逃爾土左氏襄十四年傳豈敢離邊
韻會云逃同邊又左傳糾逃王愚注糾而達之也
達之即所以治之何必改經爲剔而與毛傳立異
哉

辟爾爲德俾臧俾嘉淑慎爾止不愆于儀傳爾爲善
則民爲善矣止至也爲人君止于仁爲人臣止于敬

爲人子止于孝爲人父止于慈與國人交止于信箋
云辟法也當審法度女之施德使之爲民臣所善所
美又當善慎女之容止不可過差于威儀正義釋傳
曰傳解辟爾爲德所以能俾臧俾嘉之意是則民善
也止者所居之名故爲至至是所止之處也爲人君
止于仁至止于信皆大學文也彼旣爲此文乃引此
詩以證之故傳依用焉其詩君子唯當言止于仁耳
因彼或文而盡引之正義釋箋曰以經言淑慎爾止

不愆其儀卽是止其容慎得威儀不過耳故易傳以
止爲容止

按此傳與大學之說合亦足見毛公學問之純矣
大學說此而下節又引淇奥之詩而解之云赫兮
喧兮者威儀也有斐君子終不可諼兮者道盛德
至善民之不能忘也大學與爾雅合淇奥詩毛傳
亦與大學爾雅合又足見毛公故訓之舊矣大學
論止仁止敬等而下節亦及威儀則淑慎爾止不

愆于儀乎公之訓自好鄭謂淑慎爾止不愆于儀
連文測止卽容止容止何足該爲德之事耶且專
言容止威儀辭亦近複又大學乃引穆穆文王於
緝熙敬止非引此詩也正義謂大學旣爲此言乃
引此詩以證之誤

民靡有黎傳黎齊也箋云黎不齊也言時無有不齊
被兵燹之害者正義釋傳曰黎衆也衆民皆然是齊
一之義正義釋箋曰箋以黎爲不齊但義勢當然言

無有不齊被兵寇加者耳

板書黎民於變時雍孔傳云黎衆也民而衆斯齊
一之衆矣此詩言民靡有黎者蓋因具禍以燼故
無復有黎民齊一之衆耳黎字卽指說民民靡有
黎猶言靡有黎民非齊一平安之謂鄭以黎爲不
齊改黎字之常訓訓義勢之當然以意逆志顧如
是者耶

孔棘我圉傳圉垂也箋云圉當作禦其急矣我之禦

寇之事正義釋傳曰圍垂和詰文舍人曰圍拒邊垂也孫炎曰國國之四垂也此是行役所傷自傷在邊垂也正義釋箋曰讀圍爲禦者若守邊垂不得爲無所定處且云我垂于次不足故以爲禦寇之事

按孔棘我圍言孔急哉我之禦寇之事垂不盡在一方四垂不盡故曰孔棘上明云自西徂東靡所定處矣何言若守邊垂不得爲無所定處也甚急矣我之邊垂解孔棘我圍于義自足況詩義有必

須傳語足成者尤不必以文勢之未足爲嫌若謂
我垂于文不足則我禦之文又豈足哉且卽如鄭
說圍字自有禦義莊子其來不可圍管子吾參圍
之安能圍我亦卽爲禦拒之義知不必改此經之
圍作禦字矣

好是稼穡力民代食傳力民代食代無功者食天祿
也箋云但好任用是居家客齒之聚斂作力之人令
代賢者處位食祿釋文云稼王申毛音駕謂耕稼也

鄭作家謂居家也下句稼穡維寶同穡本亦作嗇音
色王申毛謂收穡也鄭云各嗇也尋鄭家嗇二字本
皆無禾者下稼穡卒痒始從禾正義釋傳曰夏官司
勲云治功曰力則力民謂善人有功力于民者也故
知力民代食謂使代無功者食天祿也正義釋箋曰
鄭以交勢笄云不逮是退賢則好是稼穡爲進惡故
以稼穡爲居家各嗇箋不言稼當爲家則所援之本
先作家字也稼穡維寶代食維好箋云此言王不尚

賢但貴咨嗇之人與受代食者而已正義釋箋曰重
舉此文明是責王之貴好之也傳于上文既異于鄭
則此亦不同矣王肅云能知稼穡之事維國寶也使
能者代不能者食祿則政維好傳意當然

稌穡古作嗇郊特牲主先嗇而祭司嗇又書嗇夫
馳說文云嗇愛嗇也从來从畝來者畝而藏之故
田夫謂之嗇夫盤庚服田力穡前漢成帝紀作服
田力嗇田畯至喜箋云田畯司嗇也後人加禾字

爲稼穡之穡與各嗇字別檢此詩稼穡必是原作
稼穡知者以稼嗇字若作家嗇其義難曉毛公不
得無傳若稼穡之義則人所共知且于力民代食
傳云代無功者食天祿亦足以互相發明故毛得
從略耳至鄭氏好與毛異始直去稼字之禾旁爲
家並不言字誤幸王肅所據之本未遭鄭改尙作
稼嗇故肅得依之以申毛說釋文謂稼王申毛音
駕鄭作家可証也釋文又謂尋鄭稼穡二字本皆

無禾下稼穡卒痒始從禾此鄭之狡獪也今試以
經義推之而鄭不得遁矣經云好是稼穡力民代
食稼穡維寶代食維好次章云天降喪亂滅我立
王降此蟊賊稼穡卒痒哀恫中國具贅卒荒靡有
旅力以念穹蒼上言稼穡維寶下云稼穡卒痒上
云力民代食上下相承經之所陳顯然可按鄭以
稼穡卒痒不可爲家穡之解故皆從禾傍爲稼穡
之字以顯與家畜別使後人無可踰跡不知稼穡

字本皆作稼穡後人因稼穡卒痒鄭作稼穡遂並
上兩穡字皆作穡是失毛詩之舊釋文云穡本亦
作穡此其徵已

考慎其相傳相質也箋云相助也徧謀于衆又考誠
其輔相之行然後用之言擇賢之審

松太甲篇伊尹曰惟尹躬先見于西邑夏自周有
終相亦惟終其後嗣王罔克有終相亦罔終酒誥
曰白成湯至于帝乙成王畏相乚之不擇斯自獨

俾戡矣厲王此時方好利近榮公故良夫作刺一
則曰考慎其相再則曰貪人敗類鄭箋以相爲輔
相較毛義爲允

貪人敗類傳類善也箋云類等夷也正義釋傳曰類
善釋詁文正義釋箋曰箋以貪者惡行自然反善不
宜言敗善也類者比類故爲等夷謂尊卑齊平朝廷
之人禮記注引四皓曰陛下之等夷亦謂尊卑齊等
也

按永錫爾類傳類善也鄭以爲族類此詩毛亦以類爲善鄭以爲等夷然錫類之類宜從鄭敗類之類則宜從毛下匪用其良覆俾我悖箋云居上位而不用善反使我爲悖逆之行是形其敗類之驗正義釋箋曰以善人與惡人爲類善人欲教之爲善今惡人教人爲惡是善者敗也故爲敗驗展轉其詳欲以申明鄭說而不自覺其適所以爲毛說也惡人雖與善人爲類而貪人所敗者必是善類

若惡人則先已爲惡何待貪人之敗若謂善人方
教惡人爲善而貪人敗之則正得爲敗善耳孔氏
謂貪者惡行自然反善不宜言敗善此行行之談
說經者無取乎爾

民之罔極職涼善背傳涼薄也箋云職主涼信也民
之行失其中者主由爲政者信用小人工相欺違正
義釋傳曰涼者薄之別名莊二十二年左傳曰虢多
涼德謂虢君薄德是涼爲薄也王肅云民之無中和

主爲薄俗善相欺背傳意當然此傳以涼爲薄職爲
民所主爲則下云職競職盜皆是民之所主不得與
鄭同正義釋箋曰職主涼信皆釋詁文箋以民之爲
惡由政不善則所言職者皆主由君政不宜爲民意
所主故易傳以涼爲信由爲政者信用小人之工相
欺違者以此故下民皆無中正學相欺違也

按毛云涼薄鄭云涼信止一字之異耳其實毛意
當與鄭同言民之所以罔極者主由上之涼薄善

于背欺故下言爲民不利如云不克以著其涼薄
之實若指爲民意所主前二句言民之涼薄忽接
爲民不利之語又指在上者而言于文勢未順然
則王肅所述非毛旨也

后稷不克上帝不臨箋云克當作刺七識也莫溱
神而不得雨是我先祖后稷不識知我之所困與天
不視我之精誠與正義申手曰毛無破字之理必不
與鄭同益以克爲能王肅云后稷不能福佑我耶上

帝不能臨饗我耶傳意或然則能與臨異文者以后
稷是已之先祖心必助之但苦其不能耳天則非已
之視故云不臨正義釋箋曰以上帝不臨者上帝不
視下則后稷不克者當謂后稷不知也故轉克爲刺
削所以記識故云刻識也

校克訓爲能自是毛意然王肅所述嫌于經語乃
云后稷不克祐上帝不克臨矣是于經傳之義猶
得其半而失其半夫雨旱之事天實主之若我祖

雖無降雨之權亦當請命于帝祐其子孫今大旱
若此豈后稷不能爲力耶豈上帝不臨視我耶鄭
氏不得其說遂欲改經試思以克轉爲刻又于刻
之中取記之義于記之中取識之義何至如此之
迂迴難通耶若謂二句相連不宜與臨異文則雨
旱之事非人所司于后稷自宜言不克于上帝自
宜言不臨不必議也

故雲案刻古通克吳志賀亮傳謹以克心非但書緯克與

克正同隸釋漢衛尉衡方碑克長刻君後漢相譚傳何征不克是刻本通克鄭氏亦非無據但義迂

而無
當耳

先祖于摧傳摧至也箋云摧當作囅匕嗟也先祖之
神于嗟乎告困之辭正義釋傳曰摧至釋詁文孫毓
云我今死亡先祖之神于何所至言將無所歸也今
以孫爲毛說正義釋箋曰箋以先祖于至于辭不安
故轉摧爲囅匕者咨嗟告困之辭責其不助已者責
先祖也先言所責之意乃呼之號呼卽吁嗟告苦故
先祖與于囅共句爲文勢然

按此詩憫旱之意情詞急切曰羣公先正則我不
助父母先祖胡寧忍予舍羣公而望先祖也曰羣
公先正則不我聞昊天上帝寧俾我遯舍羣公而
望上帝也曰昊天上帝則不我虞敬恭明神宜無
悔然舍上帝而望明神也此章言昊天上帝則不
我遺胡不相畏先祖于摧則又舍昊天而望先祖
也傳箋大意略同然鄭改摧爲隤旣不可從毛以
摧爲至傳又簡質無從究其旨歸孫毓述之云先

祖之神于何所至孔氏謂先祖于至于謂不安竊
恐孫毓之說非毛旨也毛意當以爲胡不相助我
畏災而先祖之神于焉來至乎冀先祖來助畏災
而先祖不至故曰胡不相長先祖于至二語一氣
成文

我心惓惓暑愛心如熏傳憚勞熏灼也箋云憚猶畏也
王心又畏難此熱氣如灼爛于火言熱氣至極正義
釋傳曰憚勞釋詁文毛讀爲憚丁佐反故爲勞也正

義釋箋曰箋以暑熱人之所畏故請爲憚徒且反憚
猶畏也此言王心畏憚似見其甚于前也以天子之
尊畏暑有備尚云畏難此言熱氣至極也

桮毛意以爲我心勞于暑熱之氣故憂暑之心如
熏灼焉爲暑所勞困故憂之爲文之次則然鄭以
憚爲畏夫勞困則未有不畏七懼則未有不憂者
所謂殊塗而同歸百慮而一致者矣獨是宣王奮
志中興畏災愛國雖使深宮廣廈淨閑迎涼亦若

親受其災不能自解焉初不寒暑有備而忘之也
孔氏之言無乃非宣王愛君之本衷矣

靡人不周傳周救也箋云周當作賙王以諸臣困于
食人人賙給之權救其急正義釋傳曰以救而念之
周備故周爲救也王肅云靡人而不周其急也正義
釋箋曰以周救于人其字當從貝故轉爲賙

按周之與賙義本相同其以貨貝相周者則字從
貝其不以貨貝相周者則不得從貝周字可以括

言三
調字之義調字不可以盡周之之方且古人制字
簡便周卽爲救後人文義日繁始加貝以相別則
調必生于周字之後矣箋云調給之權救其急則
周爲救急調亦救急何必舉後起之字以易古友
耶